

29. oktober 2018

UKA2018/175

Nuup, Sisimiut, Ilulissat Qaqortullu avataatigut illoqarfiit mikinerit aningaasarsiornikkut ineriartornissaat pillugu, kommunit suleqatigalugit, pilersaarusiortoqarnissaa suliareqqullugu Naalackersuisut peqquneqarnissaannik Inatsisartut aalajangiiffigisassaattut siunnersuut. Pilersaarusiaq kingusinnerpaamik UPA 2020-mi Inatsisartunut saqqummiunneqassaaq.
(Inatsisartunut ilaasortaq, Anders Olsen, Siumut)

Nuup, Sisimiut, Ilulissat Qaqortullu avataatigut illoqarfiit mikinerit aningaasarsiornikkut ineriartornissaat pillugu, kommunit suleqatigalugit, pilersaarusiortoqarnissaa suliareqqullugu Naalackersuisut peqquneqarnissaannik Inatsisartut aalajangiiffigisassaattut siunnersuut. Pilersaarusiaq kingusinnerpaamik UPA 2020-mi Inatsisartunut saqqummiunneqassaaq. Siumumeersup Anders Olsen-ip siunnersuutaa Siumumiit tigulluarparput.

Ukiorpaalunngorput Nunatsinni Nunap immikkoortuini tamani Inuussutissarsiornikkut ineriartortitsinissamik Kommuunit suleqatigalugit pilersaarusiortoqarnissaannik Siumumiit ilungersuuteqarfigigatsigu. Ullumikkullu Kommuunerujussuit atuutlernikuupput Nunap Immikkoortuinut aggornilersimasutut ilaatigut taaneqarsinnaasumik. Nalunngilarput Kommuunit tamarmik Inuussutissarsiornikkut ineriartortitsinissaminnut pilersaarusiortarlutillu annertuumik suliniuteqartuartut (sektorplan), kisianni siunnersuuteqartup ujtartugaatut pisariaqarluinnarpoq ullumikkornit timitalersuiffiunerusumik qitiusumiik Kommuunit suleqatigineqarnissaat taamaalilluni aamma Kommuunit assigiinngitsut inuussutissarsiutitigut suliniutaasa anguniagaasalu imminnut ataqatigiissarneqarsinnaanerit aammalumi aningaasalersuisussatigut suleqatigiittoqarsinnaanera anguneqarsinnaassammata.

Siumumiit anguniartuarparput Kommuunini tamani inuussutissarsiornikkut ineriartortitsinissamut aningaasalersueqatigiiffissanik ingerlatseqatigiiffinnik pilersitsisoqartarnissaa, taamaaliornikkut pisortat namminersortut inullu piumassuseqartut aningaasalersueqatigiinneisigut anguniakkat annertuut aningasalersorneqartarsinnaassammata, aamma avataaniit aningasaleeqataarusuttut isumannaatsumik aningaasalersueqataanissamut periarfissaqarnissaat annertunerussammat.

Siunnersuuteqartup oqarneratut inoqarfiit angallannikkut tikikkuminartuunerat aamma inuussutissarsiornikkut ingerlatsilluarnissamut periarfissiilluarnerusarpoq. Taamaattumik Nunatsinni Illoqarfiit anginerit Nuuk, Sisimiut, Ilulissat, Qaqortoq aammalu tunumi Tasiilaq angallannikkut pilersuinikkullu pilersaaruteqarfigineqarnerat annertoq Siumumiit siuttuuffigalugu ingerlapparput, neriuppugullu ukiaq manna Inatsisartut ataatsimiinneranni ajunngitsumik alloriartoqarumaartoq. Taamaattumik pisariaqarluinnarpoq Kommuunini illoqarfiit anginerit avalequtaat inoqarfiit ilanngullugit inuussutissarsiornikkut angallannikkullu isumannaatsumik aqqissuussiffigineqarnissaat Kommuuninit Namminersorlutillu oqartussanit ataatsimoorfigineqartunik. Erseqqissassavarpullu siumumiit illoqarfinni mikinerit tamani mittarfeqanngitsuni mittarfinnik naleqquttunik sananissaaq anguniartuaratsigu.

Taamannak oqaaseqarluta Siunnersuutip imartuup aapassaaneeraneqannginnermini Inuussutissarsiornermut ataatsimiititaliamit suliarineqarnissaa kaammattuutigaarput.

Mala Høj Kuko, Siumut